

地 280.119
42

部三:2

75866

三台縣志

卷二之卷三 輿地志三二

山川 隄堰 關隘

津梁

祠廟 塚墓

三台縣志卷二

輿地志二

山

來袞山

〔舊通志〕在州城北

即府署後之萬壽山

崇禎八年明知州劉自紘建亭

於上

紫金山

在城內後小灣老賴家祠後

東山

〔方輿紀要〕在州東四里涪江之左修阜如長城下顧州郭即

舊志六景東林晚鐘是也

〔宋魏了翁臨發潼上許侍郎奔餞於東山賦詩〕人生出處亦何常又到涪江江上鄉山色如逢故人語松聲仍作去年香紅裳大舶滿清鏡翠瀲白沙明夕陽未省此歡何日更擬邀明月照昏黃

三台縣志

卷二

一

三台新民印刷公司代印

〔中江林愈蕃東山賦〕仰高山之天作結奇秀於梓東形逶迤以若帶勢綿亘而如墉一崗獨異萬壑奚同突兀峻嶒兮諒伯牙枯桐之所志盤紆縹緲兮相摩詰妙繪之難工彼其遙山作屏遠水浮舫微風徐來極淪漣淡蕩之清致灝氣孤往鼓奔騰激越之洪濤則有浮圖傑出慈恩婉雄影倒波中儼龍門之砥柱勢凌天表擬海上之仙峯雲霞升降烟霧朦朧白翻碧湧嶂疊巒叢水涵山而夷猶曠邈山映水而奇峭巖崿矧夫千章森竦百卉青葱修篁敷舒兮挾白絹寒梢之勢古柏挺峙兮具參天溜雨之容爾乃倚彼茂林薙茲叢棘審形勢之屈伸察崗隴之曲直累石負土構就梵天之宮鳩匠庀材結成淨土之室疏鐘達船兮髣髴姑蘇之寺清月映閣兮依稀輞川之蹟於是思烟霞之與處期鷗鷺而為盟擢孤舟而逕渡緣側徑以徐行流曲如綫清可濯纓杜老



已歸兮詩傳盛軌蘇公安在兮泉著芽名嘆逝者之如此悟有本之匪
輕獨立高嶺俯視孤城方奮振衣之勢俄興弔古之情東望鹽亭兮思
與可質管之軸南睇金華兮誦子昂感遇之章覽牛頭之草亭千秋寂
歷眺山腰之官閣一望淒涼怪真遊之何少詭古道之殊荒已而晚烟
凝翠斜日含映孤雲欲結高鳥倦飛想鴈峯之呼吸慕舞雩之詠歸歌
曰造物靈兮鏡名區憑高四顧兮胸次殊登東山兮猶爾躋泰山兮何
如

茶堵山

〔舊通志〕在州東十里相傳仙人董仲煮茶於此

留使山

〔舊通志〕在縣東三十里唐李絳爲東川節度使去任民情愛
戴於此遮道留之故名

鼓樓山

一作古

〔舊通志〕縣東五十里層巒疊峙狀如樓閣真人董仲曾

三台縣志

卷二

二

三台新民印刷公司代印

修煉於上有石室鄉人禱雨屢驗

鐘山

〔舊通志〕在州東五十里形如覆鐘山腰有泉味甘仙人董仲
詩英英雲氣峯尖出泱泱幽泉石徑寒採藥不知何處是白雲引我到

鐘山

映溪山

〔舊通志〕在州東五十里高岡逶迤峯巒如半月山麓有雙溪

合流日出時山影映照波心

今名塞江山

〔林愈蕃映溪山賦〕噉晨出兮氛氲山映溪兮不羣羌中流兮卓立影
亭亭兮曉勢分凌空獨奇旣霏微乎暮靄照水特異亦蕩漾乎朝雲觀
其高岡耀日古木垂陰挾羣山以作屏俯二水以爲襟形如半月勢聳
千尋長江滾滾兮屹如砥柱清流渙渙兮儼若波心聚千載支撐之大
力結萬年挺拔之高岑在藻鮮鱗依樹杪以呈象遷喬幽鳥共澗底以

流音爾乃巖徑蕭疏岡巒起伏載幽且深如往而復緣溪而定奇葩倚壑而生異木風行水上淪漣髣髴於河干竹覆谷中蔥蒨依稀乎淇澳則有短褐逸人黃冠野客晚挹西山之爽朝就東方之白携謝眺驚人之章曳安石遊山之屐飲石泉蔭松柏攀女蘿睇飛翮樂溪山之相涵喜水天之同碧因之澄慮靜觀舉頭遐顧懸崖墜影若三島之在中央峭壁沉波似十洲之絕天路泉淙淙兮深崖風謖謖兮高樹信宇宙之無窮果烟霞之足慕悟生意於天喬泯機心於鷗鷺此時身在寰中思遊天表想龍門之橫碣石獨障滔滔念君山之浸洞庭偏當水嶽森奇情上薄於雲霞賞心幾忘乎昏曉已乃暮色依依而漸逼倦鳥翼翼而相催欲詠歸而延竝將言還而徘徊望英靈鐘山之勿勒思太白匡廬之重來護巖邊之碧草憐石徑之蒼苔於是寒煙自下來徑復經溪光淡

三台縣志

卷二

三

三台新民印刷公司代印

蕩而生月樹影參差而見星松花片片兮清芬可挹草蟲唧唧兮斷續堪聆雖載瞻乎衡宇猶屢顧乎山庭此所爲掬綠水以濡墨依丹崖以勒銘而漱流枕石期不負乎江上一峯之青

石城山 [縣通志]在州東五十里四面如城[按]山環頂皆石石上摹刻古篆字大尺許

鳳山 [圖書集成]去治東五十里峯岫翹翹其形如鳳

金鵝山 [舊通志]在治東六十里高山遠峙勢如長城[通志]與鹽亭接壤

南峯山 [圖書集成]在治東州守張雲建衆慈堂於上

萬峯山 [舊縣志]縣東五十里有萬峯朝拱之勢

金字山 [舊縣志]在縣東二十里

黃龍山 〔舊縣志〕縣東三十里疊嶂層巒一峯獨出橫枕於桃花溪上
塔山 在邑東八十里離三合鎮數武形式魁偉山頂平衍清咸豐十
一年張統領追剿藍逆駐兵於此

兩台山 距三合鎮五里魁奇突兀一方形勝前清光緒時天旱有超塵
道人及道嶽真人在此設台祈雨輒應故名

龍門山 在縣東龍樹場龔家坪三面孤絕四圍如城山腰一石室頂有
石龍蜿蜒於上首尾鱗甲俱備旁有一洞號龍洞門清初土人去山麓
五里特修迴龍寺以鎮山脈

桂花臺山 在南峯寺廟後形勢險峻有山從人面起之氣象相傳唐節
度使顧彥朗兵敗移駐此寨至今環堵猶存

中峯山 在秋林驛驛場環境四周二水迴瀾曲折於場後橫流作帶山

三台縣志

卷二

四

三台新民印刷公司代印

下有桃花溪水環繞山麓

北峯山 在秋林驛北明時山頂有太古廟明末焚燬今寥陽正殿基礎
尚存近場諸山多平坦而此山獨高聳壯麗

馬蹄壩 在縣東八十里湯家壩係古巴閬通衢路旁一石上現馬蹄痕
相傳爲張桓侯過境遺跡

金頂山 在縣東八十里發脈岷山左支越三里橫枕三合鎮西北下至
秋林出縣境

蟠龍山 在興隆場山勢蜿蜒迴繞爲一方之鎮

蟾毒山 一名烟燉山因廟壩鋪舖司置烟燉於此故名

帽盆山 在縣東八十里湯家壩中地據上游突開大壩衆山拱秀一水
環清南宋甯宗嘉定元年戊辰進士湯進賢字覺菴授重慶府太守有

政聲帝勅署四川太子太保兵部尙書授湖山總督部堂俞綬書祖孫父子世代榮昌八字建坊後公歿與子重卜葬於此果如勅諭鹽亭知縣王升贊云脈發石城靈鍾帽盒筆對文峯鞍迴巖窟鐵甕文闕玉盤轉宿皓皓馬蹄青青龍角水繞三溪流爭萬壑曲曲盤盤葱葱鬱鬱宅果生枝瑩經闕竹人傑地靈至今如昨字跡漫滅後湯三聘採錄於湯氏譜中

大旗山 在縣城東北十五里高於河面千尺山形似旗故名

火蓮山 邑東二十餘里蔓延於清水溝高山鋪諸山山多起伏身帶赤色粗砂鄉人呼爲羊肝脊土卽山脈之泡沙石所變化縣此山以東之水入蘇家堰河山以西之水入三道河及百頃填河

印臺山 〔潛確類書〕在潼川州趾方而頂圓故名〔舊通志〕在洲南二

三台縣志

卷二

五

三台新民印刷公司代印

里山方而頂圓其形如印逆水而上倒影於凱涪二江之間旁立三小峯山半有慈雲洞洞有鑑泉山居兩位但有卜葬者城中必火屢試屢驗故封禁不許葬

天柱山 〔寰宇記〕在涪城縣南二里四面平衍上有重峯高百餘步孤秀聳峙如柱故名

金魚山 〔舊縣志〕在州南五里巖半有老君洞又有重岡峭壁四大字明人書

盤龍山 〔舊通志〕在州西南一里有回鑿洞

長谷山 〔舊縣志〕縣南十里

雲頂山 〔舊縣志〕縣南十里透迤層疊宛若雲盤宋德敷禪師與黃魯鍊習於此

赤巖山 [圖書集成]在州南七里凱江上巖皆赤色陳堯叟有記乃八分體下有蛀石磯遊人亦多題詠

浮山 [圖書集成]去治南二十里涪江水面突起一峯旁有澗水曲折環繞故以浮名

望君山 [舊通志]在州南七十里杜甫嘗登山望闕大書望君山三字於上

文峯山 [圖書集成]與望君山相連山腰係趙真人生長處俗名趙村壩基址遺跡猶有存者

青泰山 [圖書集成]去治南七十里層嶂嶙峋昔處士王彥道家焉青泰山遠望如臺又名青臺山

望川山 [方輿紀要]在州南百二十里天晴日霽登絕頂遙望西川

三台縣志

卷二

六

三台新民印刷公司代印

宜君山 [舊通志]在州南百二十里諸葛武侯屯兵於此有碑志蝌蚪文尙存殘缺不可卒讀

雲臺山 [方輿紀要]在州南百里山形如臺高插雲漢 [圖書集成]雲臺山本肖菴真人修鍊處按化書屬真武八十三世身也嘗自作偈有武當遊駕到飛鳥茅屋雲臺天下無之句

雲山 [舊縣志]縣南二里

鐵爐山 在城南七里形如爐有孔大尺許道光時土人以白鴨一隻足繫黑繩投孔中七日後鴨自金魚山下石洞出光緒初年邑舉人王龍勳塞孔葬其先祖

螺螄山 在城南二里許上尖下闊形如螺螄西接印盒山背臨涪水山頂有觀音廟

紗帽山 城南十五里狀若紗帽山下有中江名士黃曉谷父墳對面卽臥牛山

鳳凰山 卽邑南馬祖寺廟地廟在鳳凰嘴上山雖不高其靈秀特異形勢如鳳凰翔於空中翻身落地嘴從中脈抽出身是廟右邊顧砂活動如生左翼抱護是廟左邊顧砂生動欲飛足伸於前作廟案山

四聖山 其山形崇大山頂建廟祀四神故名在兩河口場後

臥龍山 縣南九十里卽景福院後山嘉慶五年德繼勇侯屯兵其上

千佛崖 距千總墳里許舊於崖石鑿佛無數光緒末鄉人彩繪之玲瓏可觀

象山 在城南百二十里高聳異常〔鍾薇垣登象山遊富樂寺詩〕少小記曾遊不識象山妙今日偶重來應被名山笑我意殊不然歡心翻

三台縣志

卷二

七

三台新民印刷公司代印

絕倒如夢續乃眞如友敦夙好縱目故山巔神王氣先暴危崖百尺梯直疑天可到拾級登其巔雲霞恣笑傲翠竹秀森森古柏寒鴉噪俯視萬人家炊烟一色罩仙刹絕頂盤入門老僧導滿地白雲堆雜遝無人掃破瓦光陸離花磚五色耀碣斷碑久殘未識何王造十殿森閣羅萬鬼伏堂奧我佛笑相迎識我在年少小坐證三生石獅爭舞蹈日落乘風歸廻首中心悼嘉會訂重遊預把山靈告

牛頭山 〔方輿紀要〕在州西南二里山形如伏牛俯臨城郭上有浮圖

〔元和志〕牛頭山一名華林山四面危絕〔寰宇記〕山在郫縣西南高

一里形似牛頭四面孤絕俯臨州郭下潛確類書作上有長樂亭樓閣烟花爲

一方名勝

山舊有寨甚固民十五年建設中
山公園將山上城垣砲台折毀

〔吳樹臣秋日招同友人牛頭山小飲〕蘇公宅畔梵雲天碧澗依然曲

曲澗

山畔有宋狀元蘇易簡舊宅碑

何日雙林窺萬井只今半壑起村煙楓丹絕嶂秋

容老練靜澄江空水鮮遙憶少陵吟眺日牛頭袞袞鬱芊綿

其二 攜酒登臨席細莎天空晴望碧嵯峩片雲黑處飛銀竹急雨收時擁黛螺錢起詩情偏顧曲桓伊笛響任高歌鴈聲嘹唳添吟興莫剩尊前金叵羅

〔郡守張松孫登牛頭山作〕振衣躡高岡憑仗躋勝力一蹴踞其巔如挾排虛翮俯仰山水涵餘清冥漠雲天掃空碧盪胸決皆少拘礙鶴林春市留遺跡憶昔文貞避亂來攜家曾作梓州客飄零幸賴使君賢逢迎因遇文章伯地以人傳山亦靈山得詩題人不沒禽鳥無聞林木稀碑碣多殘姓氏闕望中山色晚霞紅眼底江聲匹練白依然城郭傍牛頭已歷滄桑失故宅我來爲郡數登臨仰止心殷時代隔花濃竹細誦

三台縣志

卷二

八

三台新民印刷公司代印

清吟棟宇齊梁存片石安得布地有黃金山寺重營向山脊

三臺山 〔方輿紀要〕州西五里突起三級狀若層臺〔通志〕蔚然深秀遠近瞻望如臺星縣因此得名

〔州守張應詔登三台山詩〕振衣直上翠微巔晴日登臺望渺然巴蜀江山千里樹梓州城郭萬家烟巖花繞座香浮酒野鳥呼人韻入絃咫尺牛頭春色好題詩欲補少陵篇

〔張松孫詠三台疊翠詩〕三台山上三重台蓋蓋山氣拂不開脈衍岷峨聯劍閣勢多峯容何崔嵬層層疊翠蜿蜒赴袞袞直上牛頭來幽谷巒岑少丹竈仙蹟荒渺生疑猜飛捲閒雲見朝暮翺翔野鶴猶徘徊太乙餘糧可俯拾紫英縹綠何須裁山林咫尺偏城市巖壑勝絕希塵埃兜率梵宇久湮沒草堂廢址餘蒿萊挂起西窗瞻黛色宛列几案擁霞

堆日坐來青

郡署閣名

便吟眺欲飲當傾一百杯

鳳凰山 在城西一里有朱勇烈公墓〔輿地紀勝〕在鄴縣西易元子煉丹處有浴丹井〔按〕邑南北均有鳳凰山

鵝山

〔舊通志〕在州西六十里

今名鵝落山土人築以爲砦

龍頂山

〔方輿紀要〕在州西三里蜿蜒於牛頭山後

紫蓋山

〔舊縣志〕縣西十里下有柳溪書崖〔輿地紀勝〕去府三十里

四面山

〔舊縣志〕縣西七十里中峯峙立四面層巒相抱

香積山

〔方輿紀要〕在州西北五十里北枕涪江〔寰宇記〕在涪江縣

東三里北枕涪江

紅巖

在西關外三里其土色紅故名

困牛山

在縣西九十里其形如牛

三台縣志

卷二

九

三台新民印刷公司代印

大石崗

在縣西九十里又名迴龍山峯迴路轉形如臥龍大石繇亘有

虎豹挺踞龜蛇蟠蜒之狀周迴數里與中邑連界古柏喬松多係前明

中葉清初所樹蔚然奇秀山內建有丑宿宮

棲鳳埡

在縣西百里許相傳漢時有鳳棲於此今仍名之以紀其瑞

雨臺山

在縣西九十里其山峯巒聳秀氣象雄峙中峯有古寺建自隋

唐字庫建自明時清初重建廟宇培以石級

獅子山

在縣西九十里形如獅子橫臥與迴龍山對峙

角鳴山

在縣西百一十里許其山氣象雄勝士人登臨其上風甚勁疾

如角弓急鳴故名角鳴山

雲鶴山

在縣西八十里許山下有五小山宛若飛鳳俗稱五鳳朝雲鶴

卽此山也有古刹名曰雲鶴觀今又呼爲尖山寺

霧紫山 在縣西九十里山腰有泉常見紫霧湧出天晴日霽登絕頂可望潼川俗又呼爲父子山

寶真山 在縣西百二十里許山光明秀氣象崢嶸山有古寺名寶真觀因以得名

二龍山 在縣西百里許山勢蟠蜒頓跌如二龍相故名

豹子山 在縣西九十里與中邑連界其形若豹有頭有足有尾山下西面明時有古場名童家場被流賊張獻忠焚燬前清順治十九年佛恭靖公招討吳三桂追至此山大獲全勝

東坡山 在縣西百里許有古寺遺跡尙存相傳東坡與傅耆王維諸人常遊於此

觀音巖 在邑九西十里大石崗後三面絕壁石級層累而上有小廟刻

三台縣志

卷二

十

三台新民印刷公司代印

石觀音像傍有泉鄉人呼爲甘露泉夏涼冬溫不涸不溢

巍頂山 在邑西九十里上有石砦古廟山頂圓峻氣脈雄秀山麓爲謝孝子濬甫後裔所居二百餘年子姓繁衍科名鼎盛其福澤綿延亦藉有山嶽靈秀之力

賈家山 距蘇河場三里其山六面方正六脈分出古堪輿家論爲潼川府幹龍之寶

寶錠山 其下有井廣約一席泉流涓涓亘古不涸附近農人賴以灌田在邑西婁金鄉

玉屏山 縣西十三里前接中江巨流後連玉山

長平山 [方輿紀要]在州城北崗隴延袤而平廣因名[高僧傳]梓州城北有白門蘭若在長平山卽北崖山也

〔玉谿生詩註〕作常平山

〔陳謙長平山訪趙蕤故址詩〕崎士幽棲處青山空復青高蹤來弔望遺趾並飄零王霸天人學縱橫長短經呼之當欲出慨想此精靈

五層山 〔方輿紀要〕在州北八十里山有重岡五層故名一名五泉山以上有五泉

巖泉脈極厚雖大旱不涸

觀鹿山 〔圖書集成〕去治北八十里嘗有仙人跨鹿於此

馬頭山 〔方輿紀要〕在州北六十里山勢昂起形若龍馬之首亦號龍

頭山山腹之泉脈極盛能溉民田數百畝

海會山 〔舊縣志〕縣北四十里

天柱山 〔舊通志〕在州北〔寰宇記〕天柱山在涪城縣高二里四面平

衍上有重峯高百餘步孤秀如柱故名

三台縣志

卷二

琴山 〔府志〕在涪城廢縣北山勢如橫琴故名上有石圍六角形相

傳為廢縣北塔遺址在南曰榜山上亦有磚石六角形闊丈餘又謂南

塔舊基云

月亮巖 〔府志〕在縣北百里接綿州豐谷井絕壁臨江深沱黝黑壁面

凹陷二寸許如月上弦狀弦上有石凸起類南極老人跨鶴形下為巨

魚窟宅中夜吹浪游空噴薄有聲故漁釣泊焉餌釣者枕壑而俟往往

得珠

飛鳳山 距城北七十里山麓有水源曰常樂溪東行五里至孝泉堰與

安樂河合流

蓬萊山 距縣北七十里觀音崖上山勢東面壁立上有洞深入八尺闊三

間中有石牀琴墩藥爐茶灶泉水泠泠從巖竇出下為觀音崖臨涪江

象塔山 在劉家營數里東臨涪江懸崖絕壁上有大路通潼綿山頭市鎮極爲繁盛巔有塔高七尺

鳳凰山 在縣北百里乾江琪西高岡逶迤左右支山相顧狀如鳳凰展翅故名側有大柏下株下曲鄉人呼爲鳳凰架兵部左侍郎文天富葬此

雲錦山 武進士李爲松故里

高登山 爲一方主山三綿於此分界北路羣山由此發源孤峯入雲百里皆可望見

中臺山 勢雄峻山腰連起尖峯四如人乳

象山 葫蘆溪西一里俗名半邊山其陰絕壁數十仞場之鎮山也

威武山 葫蘆溪北二里俗名金子山堪輿家謂爲佐署印山高數百餘

三台縣志

卷二

十二

三台新民印刷公司代印

尺巍然獨立

金翔山 舊名天平山在南明鎮

〔按〕潼城山脈由茂州分祖而來縣延千餘里至羅江而平岡及黃鹿鎮之上頓起高岡歷大石崗土門寺入洞鎮濫泥溝至新村市之印盒山乃折轉而西至龍井廟復北向歷法慧菴蘇河場而東由靈峯寺之後山向南歷黃連壩至三台山之後由蟠龍折轉北向至牛頭山落平洋於萬壽山後起一小山倒結梓署其餘氣至王總河墳前而盡

〔按〕三台山脈界涪而爲二一在涪江東者爲梁山山脈由岷山南行至劍閣昭化廣元梓鹽而入縣境其下爲射遂順慶各屬皆發源於此一在涪江西者爲雪欄山山脈卽岷山之東支下經茂縣而入縣境其下爲中簡重慶各屬皆發源於此

川三台水道以涪江中江鄆江爲正幹而支流
之入於此三江者分條具列從通志例也

涪水源出松潘衛風洞頂興隆泉經小河營入平武縣界有木瓜河自象

鼻關至鐵索橋來會東南流三十里有火燒河即白馬河自馬嶺來會至縣

西折經縣南又東分爲二脈復合爲一又名金盤河溪旁多砂石故名向東

曲流五十里有古城水自鐵蛇關至古城來會又有高村水自大黃坪

至白草鋪來會又二百二十里有鄧家渡河自玉疊山至漫坡渡來會

又有東溪西溪水自藥叢山分山北山東兩派來會入江油縣經城北

又自東而南五十里入彰明縣界分流經城之左右而合有小江河卽

廉讓水卽范伯年對宋明帝所稱之廉泉讓水出平武縣經江油境來會又流入緜州界

有石板河自石泉縣合諸水而會經緜州東南有茶坪河自安縣來會

經緜州西亦謂之內水晉朱齡石討譙縱以疑兵從內水卽此有安昌水自石泉三面山

三台縣志

卷二

合茶坪河蘇包河來會又迤邐經州城西南匯於城南之芙蓉溪成一

巴字每江漲登山望之宛然又東南流入三台縣界自吊脚崖經南天

閣葫蘆溪有老君溪自左葫蘆溪自右來會又東南經菩提寺卽杜詩香積寺

老馬渠劉家營有水磨河自左三道河自右來會又東南經青壁嘴龍

王廟有蘇河水自靈峯下自青山塩來會又東南經桃子園柳林灘石

馬灘忠孝渡至東山下有中江水來會四十里入射洪縣有桃花溪水

來會又三十里至射洪城東有唐橋溪來會又二十里至獨坐山下有

梓潼水自鹽亭縣來會又南有鄆江來會折東南有馬桑溪自蓬溪縣

來會經遂寧縣東又南流有關箭溪合樂至水安居場水來會又東嘉

陵江合渠河來會東南流至重慶府治巴縣西北折東流入於大江以

上所載俱見通志蜀水考

〔按〕涪江之源不一其發源於興隆泉者在雪欄山黃龍寺後距松潘衛東五十里東北流經小河營有發源於松潘衛北小分水嶺者在衛北九十里東北流經小河營與興隆泉之下流會其發源於剛氏道微外者東南與建始水合陳一津曰即白馬河即興隆泉下流火燒河即白馬河也自白馬河合流下所經水道合寰宇記元和志蜀景匯覽通志所載略同〔舊州志〕唐時以涪江逼近城址橫溢爲患乃鑿江東疇地別爲新江東北注至宋漸湮水復衝齧慶元中提刑王勳依江埂伐石爲堤謂之王公堤至今以時修築

〔唐孫樵移江記〕涪繚於邾迫城如蟠淫漲於秋狂瀾陸高突隄嚙涯包城蕩墟歲殺州民以爲官憂滎陽公始至則思所以洗其患頗聞前觀察使欲鑿江東疇地別爲新江使東北注流五里復匯而東即隄墟

三台縣志

卷二

十四

三台新民印刷公司代印

舊江使水道與城相遠以薄江怒遂命武吏發卒三千跡其前謀役興三月功不可就有謁於滎陽公曰公開新江將抒民憂然江勢不可決譌言不可絕公將何以終之滎陽公曰吾欲厚其直以勸其卒可乎對曰饑卒賴厚直民惜其田懼有碍不可滎陽公曰吾欲戮其將以勸其卒可乎對曰代之將者必苦吾卒卒若叛不可滎陽公曰奈何對曰夫民可與樂終難與圖始故自役興以來彼其民曰夏王鞭促萬靈以導百川今果能改夏王跡耶非徒無功抑有後災羣疑牽繇民心蕩搖前時觀察欲鑿新江中輟議而罷豈病此耶公即能先隄民言新江可度日而決也滎陽公諾明日視政加猛決獄加斷又明日杖殺左右有所貳事鞭官吏有所阻政者遂下令曰開新江非我家事將脫邾民於魚禍耳民敢橫議者死邾民以滎陽公嘗爲京兆旣憚其猛及是民心大

慄羣舌如斬未幾而新江告成滎陽公歡出臨視頒賞罷卒已而歎曰
民言不隄新江其不決耶新江長步一千五里闊十分其長之二深七
分其闊之一盤隄既隆舊江遂墟凡得田五百畝其年七月水果大至
雖踰防稽陸不能病民其績宜何如哉滎陽公既以上聞有司劾其不
先白詔奪俸錢一月之半樵嘗爲褒城驛記恨所在長吏不肯出豪力
以利民觀滎陽公以開新江受譴豈立事者亦未易耶是歲開成五年
也

〔唐杜甫奉送崔都水翁下峽詩〕無數涪江筏鳴橈總發時別離終不
久宗族忍相遺白狗黃牛峽朝雲暮雨祠所過頻問訊到日自題詩〔
又涪江泛舟送韋班歸京詩〕追餞同舟日傷春一水間飄零爲客久
衰老羨君還花遠重重樹雲輕處處山天涯故人少更益鬢毛斑〔又

三台縣志

卷二

十五

三台新民印刷公司代印

泛舟送魏十八倉曹還京詩〕遲日深春水輕舟送別筵帝鄉愁緒外
春色淚痕邊見酒須相憶將詩莫浪傳若逢岑與范爲報各衰年〔又
泛舟送客詩〕二月頻送客東津江欲平煙花山際重舟楫浪前輕淚
逐杯勸下愁連吹笛生離筵不隔日那得易爲情

〔又陪李梓州泛江有女樂在諸舫戲爲豔曲詩二首〕上客迴空騎佳
人滿近船江清歌扇底野曠舞衣前玉袖凌風並金壺隱浪偏競將明
媚色偷眼艷陽天 白日移歌寢清宵近笛牀翠眉縈度曲雲鬢儼分
行立馬千山暮迴舟一水香使君自有婦莫學野鴛鴦〔又送何侍御

歸朝詩〕

原註李梓州
泛舟筵上作

舟楫諸侯餞車輿使者歸山花相映發水鳥自

孤飛春日垂霜鬢天隅把繡衣故人從此去寥落寸心違〔唐李商隱
江上憶嚴五廣休詩〕

時爲東
川判官

征南幕下帶長刀夢筆深藏五色毫逢

著澄江不敢詠鎮西留與謝功曹〔王士正詩〕十日巴西雨艱難到梓州晚晴見涪水清絕抱南樓不見千頭橘空驚萬里秋尙餘登覽興留眼望牛頭〔又潼川懷少陵詩〕返景下東津扁舟涪水濱女牆崩積雨郡郭入荒榛山夕烟花少江流戰伐頻飄零思弟妹嗟爾杜陵人

中江一名凱江一名西橋河有二源其一爲黑水在今安縣南一名寧江河源出安縣

南屏山在安縣南二十里有十二峯峭拔如屏突出平野流四十里入羅江廢縣界在今羅江縣東兩水

相盛成羅紋故名卽羅江之上流也其一爲乾河在安縣南一名冷水河源出安縣西衆

山由睢水關在安縣西四十五里西南至綿竹縣四十五里通茂州後路東南流四十里入羅江又東

南流二十五里至羅江廢縣城西合流過城東轉南合芙蓉溪一名峯溪又名

二柴水源出白馬關山下東南曲流十五里至城南入羅江水補注白馬關在羅江縣西南十里與鹿頭山對峙下名落鳳坡相傳龐統中流矢死此

又三十里入中江縣界六十里至縣城西又繞城南合雙橋河在中江縣西二

三台縣志

卷二

十六

三台新民印刷公司代印

十六里河一名西溪一名西橋河源自白蓮洞在中江縣西北合別溪數里匯爲

龍王潭在中江縣西十五里水發山谷深數十丈迂迴曲折又會郭家河龍潭河爲一至銅

魚山在中江縣南一里隔江山勢雄峙綿亘水口關鎖二江前入中江又自南至東合東溪在中江縣

東溪又名東橋河源出涪城今綿州山溪西南流三十里至中江縣城

東轉南合西溪至元武山下在中江縣東一里入中江中江又東南流五里合

余家河卽雙橋河又東北曲流四十里達三台縣界以上見蜀水考又東四十里龍

潭河自稜角山流入又東南流八十里蘿渡溪水流入又東五里經三

台城南入涪江

鄴江〔蜀景匯覽〕鄴江在三台縣南一百里自中江縣界發源東流

縣經城南至蓬溪縣入涪江〔隋地理志〕元武縣有鄴江〔元和志〕鄴

江水經銅山縣南五里又經飛鳥縣北四十里〔寰宇記〕鄴江水源出

玄武縣東南流入銅山縣界又飛鳥縣有小鄴江源出縣西南蓬亦作蓮池鄉小山下東流至縣郭又七十六里合鄴江輿地紀勝鄴江源出銅山縣赤崖溪流逕飛鳥會衆流入長江通志源出中江縣銅山水色澄清如玉亦曰玉江東流過雲台山經潼川南百里又東至蓬溪縣明水寨入涪江按輿圖水有三源一出潼川南界一出中江縣東南界皆東南流至蓬萊鎮西北合而爲一一出樂至縣北界東北流至蓬萊鎮東合流卽寰宇記之小鄴江也又東至遂寧蓬溪界黃龍鋪北入涪其水去中江尙遠又按鄴江源出銅山赤巖流至飛鳥會衆流入長江今考鄴江係中江水發源安縣過羅江縣至中江縣流入府界合涪江而中江之銅山赤崖飛鳥山並無發源之水流入府

武江 宋元學案李皇知潼川府以牛頭山極險乃跨山包之通溪

三台縣志 卷二 十七 三台新民印刷公司代印

之渠以達武江又宋嘉祐三年文才寺碑亦有武江字知邑西凱江舊亦名武江也不知始於何時殆以水源出元武縣東南耶

葫蘆溪 舊名浮綠溪有二源上源自緜陽楊家店諸澗合流至南河堰入縣境經聖佛寺石碑河至八仙橋與下源會下源自大石崗經兩台山魯刹寺淘米河至八仙橋與上源會合流經樊家灣天星眼有石河溝水來入又東經葫蘆鎮富藤橋入於涪江

老君溪 自綿陽觀音橋諸澗水滙流至兩河口入縣境至觀鹿山麓紅岩堰水來會又東過永成堰至馬家灣老君廟在焉故名又東經歐家口歐溪來會又東至八字潦入於涪

八字潦 在縣北鎮江埧中有小溪自南明鎮韓家灘涪水分支經萬家坎歐家口鱧魚石等處入涪江以水形似八字故名之爲通陝甘之要

道商旅多住宿於此

富順場河 從桑林子發源經四面山下由場中達麻石橋堰復繞南峯寺塞江山與蘇家堰河合流涪江

蓮溪 在蓮花寺左側發源大石坂

在軫水鄉

鳴溪 在興隆場發源高堰坎經雙石橋入桃花溪

清溪 水源有二一由梓潼城西流至薛家嘴東北流入安家場至官廳

琪

東鹽亭南三台

界右下明江寺到兩河口入鹽亭界一由綿陽西清溪菴入

三台境西南至會龍場柳池并折而東北與清溪會流經郭家營

人和寨

堰至曹家折於花屋基

潭么

又轉折雞公石達於乾潭下龍門潭折入鵝

頸項龍潭過大興寺及忠孝菴出口約三十里至鹽亭兩河口會流

水磨河 在邑北參水鄉黃連橋後五層寺山發源過宴家溝烏龜溝至

三台縣志

卷二

十八

三台新民印刷公司代印

水磨河山田多資灌溉復經永成堰第四陰洞過王家橋南流至官庄壩入涪江長約三十餘里

安樂河 發源於治北軫水鄉內梨子園之雲會山麓向東流經安樂橋至孝泉堰有常樂寺山麓之小溪水來會又東流經龍家堰過高堰坎拱橋越福泉橋至雙石橋又有發源於東鄉天寶山麓之溪流來會後稍北折流至石巖嘴吳家廟又東經斗嘴子至三江子直下過矮子橋踰南峯寺許家堰抵楊家壩始入於涪江流域約百餘里

蘇河 在縣北三十里靈峯寺下相傳以宋蘇易簡得名其來源二一自牛金鄉遇仙橋經龍橋至周家壩與蘇河會一至婁金鄉遠因橋經四濟橋至周家壩與蘇河會復由蘇河場經筒車堰鱧魚嘴石堰而下流入相公嶺下獅子山後折而東之復轉而南至靈峯山下入涪江

萃溪 在邑北南明鎮小山_{名地}之陽距縣城百里溪東岸逼近觀鹿山其源有二西北正派五十里爲綿陽屬觀音橋之上流西來支派二十餘里爲綿屬吳家壩之水來會於兩河口入邑北紅崖堰之下流四里許卽萃溪東繞鹿山入老君溪與涪水別派合

歐溪 爲前清隱逸尹亮臣先生故里其水發源於後山觀音場經過南明鎮老溪山與涪江支流母猪灘水合至八字潦入涪江

三道河 發源於石板灘之堰塘彎與五龍溝水相會於萬福橋經陳家堰陡溝橋繞三道河至蛇頭山與涪江相會凡火蓮山以西大旗山以東之水皆歸焉

龍鼻溪 在縣北八十里入涪江輿地紀勝作龍鼻津縣北八十里有胡蘆溪通志無之當卽此

三台縣志

卷二

十九

三台新民印刷公司代印

鳳溪 在縣北六十里入涪江輿地紀勝屬涪城縣近劉家營有一水入涪當卽此

錦溪 在邑東唐家嘴下源出有二一由高堰坎經鳳來觀入新橋一由石安場靈溪繞白蓮寺入新橋下至塞江山入於桃花溪

玉栗溪 在邑東源出金頂山東麓南流至象鼻嘴有蓮溪水由柑嶺來會下至神仙洞西有樟溪水由寶靈寺下流來會東有松溪水由來儀寺下流來會又東流二十里至忠孝場合於衛江

衛江 源出綿陽魏城下經石板河東流入玉河場又東流二十里至清溪菴入於縣境又西有清溪水由軫水鄉卡房壩經會龍場北流四十里越馬康橋而會於衛江又下流三十里至忠孝場與玉栗溪水合流廿五里經鹽亭兩河口入涪圖書集成在治東源至衛城歷映江古樓二山至慈雲寺二里合瀾江到射洪神溪口入涪江

瀾江 卽梓潼水源出平武縣大業山下有洞曰黑牽瀾江水入穴中行七十里至梓潼縣朝陽洞復出更名潼水歷五婦山七曲山下經涪城入鹽亭安家場繞過三台縣邊境下至龍樹場二十五里南經立石子瀾江寺下流五里入鹽亭小廣溪至射洪五婦水口其急如箭奔射涪江桃花溪 在縣東三十里〔寰宇記〕在郫縣東三十里源從涪城縣南流入縣東又六十里入射洪縣界〔舊通志〕源出州東北秋林驛東南流入射洪縣界又桃花河上流自高堰坎經南峯寺前繞東南至塞江山達蘇家堰合涪江今永寧橋卽在桃花溪墓頤灘 在縣南十五里亂石巉巖極險惡

〔林愈藩詩〕江石形容怪羣墓盡朶頤瀾翻偏助勢風利益彰奇舌咋乘舟客心寒振柁師牲醪神坐享廟祝飽應癡

原注舟下者必祭廟牲血凝結如山

三台縣志

卷二

二十

三台新民印刷公司代印

柳林灘 在縣城十二里怪石羅列商船偶有不慎卽爲所損天晴之際灘聲震吼聲聞十餘里

張八河 在治東七十里發源於治北史家埧東與衛河梓潼河合至射洪入涪江

龍門潭 治東一百里潭水深岸石屹立有大龍門二龍門三龍門古蹟尙存道光三年大旱鄉人集多數水車欲竭此潭數日大雨後值旱效此禱雨極驗其源發於緜陽衛城入縣東繞過清溪菴下達鹽邑兩河口與潼江合流長約二百餘里

龍潭 在龍頭山二里許其水發源縣東之龍潭溝盤龍山後距縣六十五里其水自山穴浸出常年不絕有龍洞水自上流來會流二里餘至龍頭山廟前經過永成堰第六陰洞南流至小圍埧後黃水瀨入涪

江前未開堰時附近之田皆資灌溉因二水會合處深數尺故以龍潭名之長約二十里

石谷溪 卽西溪在縣西門之外〔方輿考略〕西溪源出州北衆山溪水下流三十里至州城西南入中江〔寰宇記〕石谷溪在鄆縣西南二里源出北山下流繞牛頭山入中江

一名濯筆溪相傳趙挺與李白習書於此

〔李商隱西溪詩〕悵望西溪水潺湲奈爾何不驚春物少只覺夕陽多色染妖韶柳光含窈窕蘿人間從到海天上莫如何鳳女彈瑤瑟龍孫撼玉珂京華他夜夢好好寄雲波

〔又夜出西溪詩〕東府憂春盡西溪喜日曛月澄新漲水星見欲銷雲柳好休傷別松高莫出羣軍書雖倚馬猶未當能文

〔又西溪詩〕近郭西溪好誰堪共酒壺苦吟防柳暉多淚怯楊朱野鶴

三台縣志

卷二

二十一

三台新民印刷公司代印

隨君子寒松揖大夫天涯長病意岑寂甚歡娛

蘿渡溪 俗呼綠豆河此爲縣南逆流有二源一出魯般橋一出下新橋至三教寺合流於縣南三里梭子山下入凱江達涪

〔譚行義蘿渡溪詩〕蘿渡溪中有草廬左鄰樵採右鄰漁書聲隔岸高人事自課桑麻作世居 等閒世事誤居諸蘿渡溪中有草廬山自峙兮水自秀白雲去住總如初 山中生長識山韻只合山居安素分蘿渡溪中有草廬繁華風景何須問 彈指流年六十餘天涯遊跡半成虛他時得遂歸田計蘿渡溪中有草廬

龍潭河 在邑之西面積約二十餘畝潭深不可測清同治十年天旱邑令王宮午投虎頭於其中卽興雲雨至光緒三年大旱鄉民集水車四十八架車潭水灌注下流數十日不能見底其上流來源分三支一由

中江之金龍寺經立高橋高板橋攔河堰流入鄉西南界之譚家橋經高橋寺滙潭一由中江東嶽廟經章保寺流入鄉南之朝真橋經圓潭子入潭一由鄉西之李家嘴經白廟寺石包灘兩河口入潭下流由上新橋經過四方碑古井埧由草茅河流入凱江

黑水河 在邑南翼火鄉發源於本鄉之梨子園經三合場出黑水堰至會仙橋入鄴江

一綫溪 發源於邑南陳谷塘冷浸田經兩河口至石板灘上流里許會龍溪至場口入鄴江

龍溪 發源於三台蘇家河西風寺下觀音橋至石板灘上流與一綫溪會至石板灘場口入鄴江

琴泉 在縣北三里巖洞深遠有泉滴入池中鏗如鳴琴乾隆丁酉提

三台縣志

卷二

二十二

三台新民印刷公司代印

學吳省欽豎石碣於泉之右上截題泊泉二字下截題少商洞三字各系以文 琴泉右一壁之左有泉一爬溜自石罅顏氏家訓引說文泊淺水貌今本說文無泊有洎仍訓淺水後人別以停止訓泊而不知淺故易停也泊白聲洎百聲以洎爲古魄字者誤吳省欽白華甫題 琴五絃一宮次商次角徵羽其文武二絃少宮少商也琴泉西壁洞如斗至東乃可容几山僧奉龍神於洞口以斷慮童出入南匯吳省欽冲之甫提學過此屢面壁矣潼川守仁和沈清任莘田移神泉上搢洞中土礫五六斛呀如豁如泉聲答響省欽樂爲之名而三台令宛平何辰斗南摩厓鳩役時乾隆四十八年四月八日 〔明萬谷陽詩〕石髓暗龍涎巖陰一綫穿囊苔鋪翠細揮沫引珠圓故作聲聲譜因名的的絃碧池卽綠綺水調伯牙傳

鑑泉 在縣南二里印臺山半有慈雲洞泉從洞出

橫冰泉 在縣北三里泉凝澈如冰可愈目疾

蟾泉 在縣東六十里蟾毒山山形如蟾有泉涓涓自蟾口出土人云水不可飲飲令人啞明嘉靖間尚書甘為霖刊蟾泉水毒四字於石并題詩云嗟彼蟾泉水涓涓流汁塵如何變為毒往歲能殺人况茲當孔道渴吻望津津厓子致斯語慎之勿入唇

玉腴泉 [輿地紀勝]在雍熙院皇祐中殿丞魯公有記

明真井 在縣南望君山腰有有泉流出數丈而不見水源

福牛泉 [舊縣志]縣南二十里

龍井泉 [舊縣志]縣西二十里

蘇泉 [舊縣志]在縣東山之腰泉流清冽味極甘美東坡曾烹茶於

三台縣志

卷二

此

流盃池 [舊縣志]在東山寺中蘇泉下有流觴曲水之意

隄堰

王公隄 [宋韓已百王公隄記]梓襟帶二江歲病泛溢大抵武弱而患小涪悍而患大此王公隄之所以築也涪脅東山迤不克肆蛇行西折洊食城址月積歲張故其患視武相絕先是府牧繼植長隄橫過江要勿使西顧已未仲秋一夕暴溢高出隄岸十有八尺平晚城圍州民惴恐江落隄潰中流之鍵蓋僅有存者閭邱公泳議新厥圖營度甫畢以命入覲謀用中格令提刑王公攝府事躬相其宜乃度水所向退依江壘伐石為隄三分其役台任其一凡役之隸於台者幕屬董之府任其一凡役之隸於府者職僚董之鄰任其一凡役之隸於邑者令佐董之

部分既定以次受地人競於功不戒而勸隄成北至劉公隄之缺南自考功隄之址其長上下總三千六百尺有奇自是歲十月辛酉至明年三月癸亥其程得百四十日有奇役以工計凡三萬八千四百錢以緡計十分工役之數而一之糧以石計五分緡錢之數而二之隄崇十有六尺級而兩之以防圯缺沿壕起土爲堤崇八尺廣稱之以備泛濫江獲安行無所迫阨寂如循牆緩驅除去隄亦屹嶻延袤霞截虹臥堅不可犯父老縱觀歡呼舞手知環城萬室至今足倚此爲命矣王公虛心體道於世無累植德不計於物利物不計於功仁風惠澤洋溢蜀左且無幾微見於顏面是區區者磨東山之石以侈不朽於功何有惟夫規畫之詳金粟之耗工役之度使寥寂無述來者莫考是無以永邦人之賜於無窮也用敢持書以詔世世俾無壞公名勳字有功崇慶人蓋今

三台縣志

卷二

二十四

三台新民印刷公司代印

日西南宿德云慶元庚申六月初八日門生文學椽韓已百撰門生府簽判許弈書

萬年堤 乾隆三十五年築吳方松文三台城東萬年隄者倚涪江而爲堵本瀦蓄之區傍雉堞而爲防關保障之要〔按〕隄下舊有深潭不可涯涘知縣徐世楹築堤後潭水遂涸

〔按〕舊縣志先是城東當涪水之衝夏秋每有水患雖唐宋迄明馮宿許弈錢輪諸公皆築隄防堵而土性不堅旋築旋圯居民病之徐相度形勢另築石隄三十五丈膠以石灰名曰萬年隄今閱百餘年完好如故民蒙其福

南門外河隄 民國十一年縣知事陳古枝提倡建築董其事者有邑人謝師度蕭仲寶黃輔卿等年由縣署酌撥罰款及募船幫捐款作建築

費歷任知事均力爲贊助期底於成現基礎已定再加一倍工作卽能告竣

鄒公隄 邑北漢花園故址流爲河域知事鄒公憲章因修永成堰勘地深惜之飭邑紳王鈞楊子由等在花園河口建隄過水灌溉邱家營田畝越年隄成高丈餘長一百八十餘丈隄上過水可灌邱家營脊田一千餘畝下游河域變爲菑畝者亦三百餘畝今食利難忘故名曰鄒公隄

六合堰 光緒壬寅永成開堰沿堰溝韓家堵一帶歷年冲去熟地二百餘畝房屋三十餘院梁君範九提倡築一長堤歷四年費一萬工有奇長二百丈高八尺廣一丈六尺自後沿河房地得免衝決十六年五月復被洪水冲壞十之六七梁君復集衆重建費錢四千餘釧以合本積

三台縣志

卷二

二十五

三台新民印刷公司代印

梁劉陳張黃韓六大族人共建名曰六合隄沙磧處歲收蘆荻值千金惠澤堰 邑北南明鎮至縣屬馬嘶渡有旱地二萬餘畝引涪江水灌注可作菑畝乾隆十九年郡守請元龍縣州牧羅克昌請制軍奏准復請於鹽茶耗羨公項內借銀二千兩作經始費限二年內按畝攤還是年八月從石人嘴開工至羅鍋壩一帶鑿石起土已費巨貲嗣因松茂道查視堰口謂宜移之於上游水風壅方伯周復勘視謂宜移於上游惠澤溪卽用水平陸平逐一丈量其勢較出口樊家溝之溝底高六尺六寸勢如建瓶必無阻碍陳稟制軍悉如方伯周所議開鑿數年工鉅費繁卒難底績帑項已經追賠事將中止越乾隆二十八年縣州諸生熊繡與其子飛龍升龍等獨立墊修罄家業萬餘金至三十一年工始告竣計灌潼縣二屬田萬六千五百餘畝爲立碑勘界以均水利又計畝

折植以償熊生之費二屬各舉堰長數人隨時補葺至四十五年洪水衝堰堤盡崩圮越明年堰長公議改升堰頭於黃板石約五百餘丈耗金千餘半歲方畢以堰基不堅崩頽甚多堰長等稟明府縣復行補修自撈印灘起至石人嘴止費錢八百緡按照水戶攤派每寸水派錢千四百文四十七年六月洪水激射石隄未動沙礫滿溝秋田祇有半收十月經郡守委員勘驗更興工於黃板石上流之處增擴一百餘丈洶溝堵決又費去錢五百緡有餘均照水寸分派至四十八年始底績嗣後歲修俱依前攤派照分放灌將水戶姓名及占水分寸造冊註明計一百零三戶共五百一十二寸五分冊二一送官存案一交堰長執存〔林儁惠澤堰記〕蜀省跬步皆山水田稀少成都沃野千里地勢寬平得郪江大堰以分灌之故其受水易而民不爭外此皆鑿山穿穴以求

之若官爲經理勢不暇而資亦不繼不得不聽民自爲之然合力少而坐享者多此訟端所由起也縣州與潼屬之三台縣接壤有惠澤堰者匯龍安安昌仙魚之水發源而東注自石人嘴縣亘至樊溝四十餘里蜿蜒曲折湮塞於高崖巨石間水不暢流石田興嘆歲辛未官爲議修工鉅費繁歷久迄無成就縣有諸生熊繡者家故饒距堰三十餘里有田二千畝無所需於堰乃毅然以墊修爲己任起癸未迄戊子罄其產費萬餘金功垂成而熊生老矣其子諸生升龍承父命而繼其事者又有年功始固計灌潼綿二屬田萬六千五百餘畝公議受水田戶按畝抽田以歸其貲並議於堰下流之樊家溝各立石平一道開鑿石口齊廣狹以均取水分數獨是未修堰以前綿屬舊有山邊溝一道引取山水灌溉嗣大堰功成改溝入堰取水者已爲熊姓按畝抽田又左家崖

一處自開堰以迄續修挖毀左姓民人田地頗多所毀之田議開水口以資灌溉其他均在潼縣分水之上其時均在潼縣分水之先此皆宜於惠澤堰內取水不在潼綿公共分數之內者也蓋綿之受水田地倍於潼之三台出資者按畝而抽田取水者亦皆計畝而分灌乃綿民欲按地而分配潼民又以齊水爲適均而兩造之訟成矣案牘之繁積於數載余總水利之局遴委署成都郡丞阮牧同潼川沈守綿州博牧履勘審詳余從而覆按之計山邊溝一處久經受灌之田今因溝水入堰卽於其他另立石平鑿口八寸又左家崖一處前後挖毀田地已多卽以公裕之水償其獨損之田亦於其地另立石平鑿口一尺一寸其潼綿均分之水則總匯於樊家溝各設立大石平一道潼屬鑿口六尺四寸綿屬鑿口六寸由是而水與田皆均矣又於兩屬受水之田未經出

資者飭有司計畝補抽仍以公議每十畝抽一畝五分酌其時值已成田而現資灌溉者每畝折白金二十五兩未成田而將來需藉乎堰者十兩如不願先給者俟成田之日仍照已成之數按畝折給免其割地以省紛擾並令二屬以後各舉堰長數人經理歲修事宜屆期堰長司其事而督之以官使無彼此參差之見用償熊生之費而節其勞案定兩造胥帖然悅服余旣喜塵牘之一清並嘉熊生父子之相繼有成爲利於鄉人者溥也用詳請制府立案勒石以杜訟源以表善行因爲之記

永成堰 在縣東北涪江之濱清乾隆二十六年創開於縣民陳所倫灌溉數年老君溪山泉穿渠堰廢嘉慶十五年邑令沈昭興議修復所倫子文韜起繼父志招募包戶張世珩等包開大堰堰成之日照惠澤堰

例十畝抽一以償工本自老灘灌開溝引水越獨木橋萬家坎老君溪而南至老馬渠鑿石溝六百餘丈土溝七十餘里縣令督率修理至二十五年春工竣灌三年而涪流西徙堰復廢歷百有餘年縣民屢請復堰守土者皆以工鉅難之且上游界綿州公牘往還不得要領至光緒二十九年天旱辦賑邑紳王鈞何盛沂龍昌緒余三江等欲以堰工代賑請於縣令鄒公耿光鄒卽策駕江干循求古蹟立主復議白知府雷公并請總督西林岑公發帑金萬兩定議以涪水既西當築新口於上游距舊口六里凡水高得一尺有二行可一里新舊相距高得九尺有五遂定地於麻柳林築堤攔填水濬舊江身引水入渠麻柳林者入綿界半里前議修綿人輒阻乃令出金贖涪江荒地并詣綿州與直牧朱公會臨以重其事於是以開賑後十八日始役畫渠爲四分配修濬舊

三台縣志

卷二

二十八

三台新民印刷公司代印

湮者補以新坡橫出山溪九以節瀦洩所謂翻水堰也老君溪溝淤溜泥不受畚鍤囊泥以絺繫丈餘竹端釣以出時荒歉之餘小民利得值趨役七八千人婦孺皆助運負共五十日畢工用錢一萬一千緡堰所溉鎮江涪城小園及老馬渠諸堤長六七十里而邱家林以廢地成田二三千畝地在涪城堤浩外蜀人謂水歧出復入爲浩築百丈隄於歧口以障水卽溝隄面渡水以往灌而隄內涸出浩身成田亦二三百畝是役也鄒公統籌全局力董其成縣佐劉公鐘岳宵旰經營獨任其勞繼任白增熾亦毅力補修堰工始固自是田稻恣肥旣穫去水種菽麥不憂旱澇田價視昔增數倍焉

〔清翰林趙熙永成埏記〕永成埏廢百餘年光緒中桐梓鄒公憲章知三台縣以歲之祲白知府安康雷公鍾德請於總督西林岑公貸萬金

肇工治振別鳩民財譎之田力既測地高卑如法遂繇綿州之麻柳林築壩引水涪江人幸是爲萬指競鍤六十日埏成凡長六十五里漑田越三萬四千畝歲增谷八萬石是關係三台射洪民食宜勸後來之瘁迺勒壁老谿山襄事者官則南昌劉鍾岳吉水曾伯榮紳則余耀光王道立吳道從敬掄元實維三十年榮縣趙熙記

永成堰源委及經過地點堰口自綿州豐谷井麻柳林引水經過韓家灑獨木橋由尹氏祠過萬家坎惠澤堰餘水注焉由萬家坎至燃燈寺下有觀音橋山水來會爲第一翻水至老君溪紅岩堰過鄉賢尹亮臣故宅不數武有畢月鄉山水來會爲第二翻水至蕭家坎過歐家口青桐嘴鱧魚石至八字潦出第一段交二段界過靈仙洞大佛寺下有郭家溝山水來會爲第三陰洞至張家碾過水磨河有山水自烏龜嘴來

三台縣志

卷二

二十九

三台新民印刷公司代印

會爲第四陰洞出第二段交三段界至牛市坡山下有山水來會爲第五陰洞過霍姓大蓋至龍頭山有龍潭水來會爲第六陰洞出三段交四段界至小圍埧過泗洲寺老君堰有山水自會龍場來會爲第七翻水由此至老馬渠場下數里許經侯姓瓦窰前入涪江凡長六十五里回春洞堰 在邑北甘江壩之上連三灣之首南明鎮之西岸山崖前清舉人王道立欲接江水上流開山洞數里以漑甘江壩山谷間田數千畝因兩面對鑿經營數年彼此可聞鑿聲已有接連之勢卒以平線直線測量未準不能穿貫而罷

涪江筒車堰 八十餘處其車全由水力冲動旋轉周圍繫汲水筒吸取涪江水約灌田千餘畝

凱江筒車堰 二十三處約灌田千餘畝皆創自康熙乾隆時近因人心

險詐紮堰時對岸人多阻碍水利將廢清宣統元年陳開沚王龍勳等通稟勸業道周公孝懷奉批委潼川府知府朱守會同中江縣知縣沿河履勘并出示禁止對岸搯詐有阻毀紮堰者官卽懲究

龍洞堰 在涪城壩龍頭山麓有石孔二泉湧不息名曰龍泉清道光九年鄉紳高斗垣宋曉東濬畎澮築田塍灌溉二百餘畝易名龍洞堰咸豐時副貢宋建長有可惜龍洞小村民望李冰之句今併入永成堰

官堰 在老馬渠二里許兩山橫峙爲何家灣衆溪澗水口清嘉慶六年居民合力捐貲築隄蓄水可灌田百餘畝及永成堰成併入和字尾段水可多灌下埧田二百餘畝

惠民堰 在玉粟溪上游其堰有軌泉二道上出不窮遇大旱其水可灌田百餘畝

三台縣志

卷二

三十

三台新民印刷公司代印

高坡石堰 在北路北崖埧西靈峯寺後相公嶺之下其源自蘇河場經筒車堰鯉魚嘴北流至堰溉田數百畝清居民王宴修築

道水灣堰 在縣北青草溝之西其源由山谷間之小溪經花廟子霍家營流入大古壩與涪江合能溉田數百畝所在多有水道石平淳沱溝洫舊跡

板堰 在邑西七十里創自雍正時灌田百餘畝不假車力
浸水河 在邑西七十里居板堰之上雍正時呂宗楡創開灌田百餘畝雖經大旱泉湧如常

紅崖堰 在邑東北水磨河之濱計有旱地二千餘畝清乾隆時惠澤堰成居人以石砌水磨河橫欄開溝可灌田二百餘畝餘水可灌惠澤堰尾小山壩田

南河堰 在邑北一百二十里開於康熙時其水自西南來經香林寺半邊山側入葫蘆溪合涪江沿岸田疇賴以灌溉

澗槽河 在縣西一百一十里其水逆流四十里入凱江清初蕭姓築堰修堤左右各建二十澗槽分水灌溉救東西兩垧田數百畝故呼澗槽河唐家堰 在縣西七十餘里傍山麓鑿溝建石橋三洞復築堰壅水灌田數百畝餘水入涪江

龍王井 在邑西九十里大石崗場後泉脈極盛合場數百戶晝夜汲引餘水溢入井下二池尙能灌田數十畝

樓田堰 在邑東柏楊下流修石橋堆土其上作爲過水咽喉橫來山水由橋下通過不入樓田故名

姚家堰 在邑東百頃垧能灌田一千餘畝

三台縣志

卷二

三十一

三台新民印刷公司代印

關隘

蒙壩寺隘口 在城東北一百里梓潼界小路設有鹽卡〔參綿州志〕濛陽縣尉巡拿私鹽礬茶處

羅江渡隘口 在城東北八十里綿州界小路設有鹽卡

秋林寨 在縣東唐乾寧二年王建攻東川帥顧彥暉拔秋林寨宋時爲鎮明置驛於此〔九域志〕郵縣有曆鼻唐橋富國龍谷富樂張杷木池豐饒監池雷井秋林十一鎮

高山舖 在縣東二十里舊名紫金關下行五里有倒碑壩舊爲益城關相傳唐朝人民挽留西川節度使於此倦留一宿始去後人又名留使坡以示不忘之意

天恩寨 在縣東六十里前清宣統三年開築層臺壁立足容三千餘人

在井
木鄉

廟坪山寨子山馬鞍山煙堆山玄武山五連山 距秋林十餘里民國六年招討軍靖國軍與川軍陸軍之第四師第三師交戰於此民國十二年二十一師孫旅長與但師長懋辛喻師長華偉所部亦戰於此以諸峯迄邇或起或伏峭壁穹崖便於戰守爲兵家必爭之地

桂花臺山寨 在治東南峯寺廟後

天成寨 距城東十餘里氣象崢嶸於絕壁下出脈一支形式勢蜿蜒直鎖水口此鄉之重鎮也

張杷寨 在縣南〔蜀鑑〕張杷在潼川府王建攻東川朝廷遣使和解兩川遇建於張杷寨

銅梁 〔輿地紀勝〕在鄰縣邑人遊安樂之要路

三台縣志

卷二

三十二

三台新民印刷公司代印

河嘴 在城南九十里設外委駐防

白鶴寨 在城南五里清咸豐辛酉陳八仙兵禦藍逆於此陳謙蘿溪詩
草有紀戰詩

保全山寨 在縣南五十餘里石壁峭立嘉慶五年春德公楞泰逐王三槐餘黨賊竄過保全寨勢迫詭云借糧與之旗豎立曰使我後隊不復擾寨民爲所愚德公至望有白旗疑寨爲賊據欲燃炮擊之細探屬民乃賊脫身計也公徐集父老而戒之遺以借母懷胎礮寨人立有遺愛碑今猶存

石子嶺 在城南十七里墓頤洞下崖壁歲磊下臨涪江逢中鑿石爲路
下通射邑亦東道之關鍵也

萬福山寨 在縣南五十五里峯巒突出其頂平曠約百餘丈至尾起一

尖峯聳峙壁立咸豐初年匪風大起羅海臣獨力修成寨堡可居百餘家至末年藍逆入川蹂躪諸寨獨此山險而有備賊不敢犯海臣因題寨門曰萬福山繼又捐修廟宇總計萬餘金塑玉皇文武二聖觀音灶王等神像約紳耆捐金修祀至今猶豐

三星寨 在縣南三十里體勢巍峨巔起三峯屹立雲表咸豐時藍逆餘黨率數千人攻寨以山形峭拔人心堅固力不能破下山毀民房而去三元寨 在縣南六十里三峯秀出懸崖絕壁可以固守民國口年江防潰卒圍攻竟日不克而去

佛耳崖隘口 在縣西北二十里中江綿州界小路設有關卡

伯侯寨 在縣西五十里高巘突出秀出羣峯藍逆作亂鄉人築成寨堡以明末張獻忠屠殺川民伯侯楊展救亂素著威名塑像祀之卽以此

三台縣志 卷二 三十三 三台新民印刷公司代印

爲名

鵝山寨 在縣西六十里山形如鵝四面壁立清咸豐間鄉人築石堡避藍逆之亂團練嚴整賊不敢近光緒間紅燈教匪竊據民團官兵圍攻之殲殺殆盡

金龜山寨 在縣西七十里山勢崇嶺巔有古廟

巍鼎山寨 在邑西九十里山麓爲謝孝子濬甫後裔所居中江舉人黃中吉題句云雙鼎崔嵬遙相峙安排盡作謝公墩

南明鎮 在縣北八十里（九域志）涪城縣有南明新井鳳溪高鋪四鎮

馬康橋隘口 在城北一百二十里綿州梓潼界設有鹽卡

葫蘆溪 在城北八十里分駐縣丞

銅鉞鎮 在縣北九十里抵潼縣界月崖亮上游卽古銅鉞鎮

石羊鎮 〔通志〕在綿州東而不能確指其處今縣北畢月鄉梁家灣卽古石羊鎮有故址碑以通志考之正與綿陽東鄉連界

龍潭鎮 在縣北百一十里橋樓場橋下有古龍潭鎮四字

黃連壩 在城北十八里據山臨水通綿陽大道有貓兒塌轉馬坎之險咸豐辛酉唐友耕軍敗藍賊朝柱於此

中秦寨 在城北百二十里與綿陽東二里接境藍賊撤潼圍分路上犯鄰北各鄉連破綿東雲台天成烏鷄燒燃諸寨屢撲中秦山寨上婦女皆爲男兒裝持械司守衛賊攻之不克乃引去時有殺烏鷄祭馬鳴小中秦穩如城之諺蓋紀實也

老馬渠 在縣北六十里地當西北衝要惟五龍菴龍頭山路能通人行下濱涪江其路最險

三台縣志

卷二

三十四

三台新民印刷公司代印

石埡子 在縣北四十里觀音崖上石嶺嶄嶄路甚危峻下有拱橋如虹架於小溪爲通東北之要道前清立有塘兵守之今廢

五層山寨 距縣北八十里有重岡疊壘形勢五層上有旗磴相傳爲蜀漢昭烈帝觀兵處今築爲寨勢甚雄峻

穀本寨 在治北七十里山形稍拔中起三峯高插霄漢清光緒十七年余匪作亂鄉人始築爲寨門有五周圍十餘里山有數小流會合行十餘里卽與張本河唐家堰合流

觀鹿山寨 在縣北八十里四山圍繞突起一峯高數百仞廣十餘里〔寰宇記〕謂古有仙人乘鹿於此因以名山明萬曆間鄉賢張肅子孫世居山下肅著鹿峯文集肅之子正道字肖山正學字懷鹿皆以山得名山腰古廟祀關帝巔有石柱高丈餘四面有字模糊不可讀清末教

匪起鄉人因舊寨培修

萬峯山寨 在高堰坎五里山脈綿延數十里萬峯叢立中有一峯巍然聳立前清已築爲寨周圍八九里寨門有四山頂略爲平衍左側有梓潼廟

太平寨 在太平場里許衛江由西北來繞過山麓其形峭拔中峯突起勢若削成清咸豐時鄉人因藍逆之變建築寨柵及十一年三月逆至圍攻一日不克潛去

四面山寨 在治西北七十里清咸豐間縣丞陳元煜築兩王廟在其巔每當雨則出雲寨有三井大旱不涸四面崗巒拱若兒孫入涪之三道河發源於此

思功山寨 咸豐時里人築此以避藍逆之亂此外尙有小思功山如太

三台縣志

卷二

三十五

三台新民印刷公司代印

華少華云

津

東渡 在縣東二里〔輿地紀勝〕東津在郫縣東四里渡涪江水

忠孝渡 在縣五里渡涪水

觀音渡 在縣東十五里渡涪水

白玉渡 〔輿地紀勝〕在涪城縣

石洞津 〔輿地紀勝〕在郫縣

龍鼻津 〔輿地紀勝〕在涪城縣西北二十里渡涪水

劉家營渡 在場外水盛有舟水落則架浮橋渡欸有常年金

臨江寺渡 在礁巴灘下游

葫蘆溪渡 扼中江維江梓潼綿陽數道之衝同治二年提督周達武要

擊石達開先鋒賴裕新於此

鎮江埧渡 又名新渡在八字潦之下里人募款興設

柳林灘渡 爲北來水道之最險者其底山石結成勢甚陡峻舟行至此水浪作花噴篷而下篙師不慎卽多失敗灘南有董仲書崖相傳董仙人曾步江於此

葫蘆溪下渡 縣北蓮花台上游爲涪城西渡之要津其渡處有石壁立如印亦有如伏龜形者隱於江中上灘北折而西轉而東之舟渡若觸石卽不能救嘗有江豚最大者出現距石卽有壞舟之患

殷家灝 由八字潦涪水分支下至陳家灝均各有渡舟光緒中鄉人募款興設距縣城八十里

中和渡 距縣北一百一十五里卽涪江與潺江合流處先係舟子自渡

三台縣志

卷二

三十六

三台新民印刷公司代印

行人不便民國十四年梁君範九募資生息立爲義渡

老義渡 距縣城八十五里近葫蘆溪要津乾隆時已創義渡濟者擁擠多賴私船同治九年邑紳陳雨亭潘堯階等倡募巨款先後買業八十餘畝又接施業五十餘畝新製四船經費益饒

公濟渡 地屬邱家營居涪城埧下游爲前後山往來必經之渡清嘉慶初年私船爭渡常遭覆沒邑紳楊培元賴洪達等募資製船改爲公渡疊穎渡 距縣東南十餘里馬躍巖下其水自北來而東折灘底兩岸俱石結成凸凹堆角舟觸卽碎涪江極險處也

大渡口 出東門五里

青東渡 距城東五里

梓江所過陽石埧官廳埧柳林嘴均有渡船無常款募資而造

以上俱係涪江渡口

南濟渡 在城南半里渡凱江水通射蓬安等縣要路乾隆十六年南路士民募資置田招租設立義渡嘉慶七年因爭租改歸官管光緒間南河大橋雖成而官渡依然舉辦

金橋渡 在過路灘距城五里

永興渡 在朱家灘距城二十里無產業收河糧爲渡夫工食

心妙寺渡 距城二十五里有產業

斜梁渡 在猴豐井距城三十里有產業

長興渡 在草茅河距城三十八里秋後收糧以贍渡夫

萬安渡 距城四十八里清乾隆時鄉紳募捐置業蘿渡河佃資仍不敷紳耆兩次募資造二船一交永濟渡一交本渡

三台縣志

卷二

三十七

三台新民印刷公司代印

永濟渡 卽響灘渡也距城四十里清雍乾時物價賤造船費用皆附萬安渡秋後收糧以贍渡夫後物價貴鄉人以爲擾同治光緒年間兩次勸募立爲義渡仍入不敷用至光緒十三年因萬安渡又提倡勸募遂合併焉

芳芝渡 距縣六十里有業一處作船橋之費

南渡 在邑西八十里觀音場有業一處以備培修不足則由首事募捐

西江渡 距邑西八十里觀音場有業三處以備渡夫船橋之費
餘慶渡 在邑西八十五里白堤寺有常業以備費用

以上俱係凱江渡口夏秋運船冬春駕橋

梁

繫龍橋 [輿地紀勝]在鄆縣[方輿記云]有仙人翟君自峨嵋山來繫龍於此

雙鳳橋 在縣東三元場嘉慶十四年建

東溪橋 在縣東川主廟山麓咸豐癸丑年募資建立邑庠生趙溫其撰有碑記

觀音橋 在邑東新場初用木板至同治時里人黃君義捐金以石砌碼頭橋板用木覆以瓦屋仍留餘金生息以備培修

青龍橋 在邑東富順場上按青龍嘴山麓距縣城四十里

新橋 在邑東五十里為三江子出水之口清乾隆初張何二姓募捐創修光緒二十三年宿儒何正卿培修李春濤有記

太平橋 邑東四十里在富順場之中嘉慶元年鄉紳何通泰募修

三台縣志

卷二

三十八 三台新民印刷公司代印

德興橋 邑東三十里富順場上游四面山下清道光二十五年何天喜捐修熊興斌為之勒石紀功

登瀛橋 邑東四十里富順場之西清光緒八年鄉紳吳羽儀倡修

永寧橋 邑東五十里南峯寺廟前民國十二年灶紳蒲作霖李臨皋募修

錦溪橋 邑東四十五里在大河壩上清同治六年蔣有昌募修

永濟橋 邑東四十里俗名麻石橋清乾隆三年吳大有重建

魚龍橋 邑東三十五里在黑坑子清道光二十八年周先達倡建光緒民國時兩次培修有序可稽

仙人橋 在董仲溝其橋無梁柱兩石相逗而成迄今千餘年尙未塌壞亦仙迹也

敦義橋 邑東四十里乾隆四十五年建

桓侯橋 邑東六十里清乾隆二十八年建

周敦橋 在縣南三十里明萬曆十八年建

玉帶橋 在縣南一百里明正德甲辰年建

接龍橋 在縣南一百里知府張松孫撰記

慕義橋 在縣南十五里知縣沈昭興撰記

七星橋 在邑西南一里光緒二十六年邑紳邱光庭羅蓉村捐資倡募

平修二十六洞費二萬二千餘金歷七歲工始竣知府楊儀成作記勒

石邑人鍾嘉璧書

〔潼川府知府楊儀成七星橋記〕潼爲郡當鄴涪二江之匯射蓬遂樂之有事於郡者必濟鄴而後達乾隆中郡人置官舟以濟冬春則易以

略約今百餘年矣然夏秋之間舟人失勢而覆溺者歲有聞也光緒甲午二月余來權郡事治以不勞因省覽山川得於故渡上流里許岸狹而流淺以爲尙可橋於其間顧功鉅費繁宜無人焉起而任之也已而三台廣文邱君光庭羅君蓉村首請捐資爲倡而附郭人士雲集響應亦樂成斯役之有成也遂以是秋伐石庀材畚鍤互施會鐵嶺阿子祥來守斯郡益廓厥規速欸屬邑以濟其匱歲庚子功竣昔之往來病涉者今皆車馬奔馳雖洪水而無望洋之嘆於是余於斯土又下車矣凡橋之長以丈計者四十五用民之力以工計者一萬三千餘所費之金以緡計者二萬二千有奇而歷時之久則寒暑七週焉意此七年中余往返無常而竊幸躬見斯役之經始與其落成也三代下宰治者率弗講冬官之政關梁道路之不修雖中州且然况潼僻在西北一偶而斯

橋又數千年以前之人所未議及者一但於數年而成之推是志則凡國家有大興作吾知其必能勝任而愉快矣若第以是自功焉非余所望於郡人士也

觀音橋 在邑南七十五里創自清初同治時水漲橋傾制軍吳夫人過境捐銀三百兩邑紳孔廣樑羅世儀等復募金重修之

太平橋 距觀音橋二里係川北通衢乾隆丙午河水冲塌士紳王之愷孔繼圓等募資重修知潼川府張松孫有記同治十二年復遭水患邑紳羅世儀孔廣樑等募資重修

段石橋 在城南二十里創自乾隆初年宣統時洪水衝倒里人募捐重修邑侯劉光斗易其名曰博濟橋撰有碑記

普濟橋 卽萬家甸民國六年重修並建場市

三台縣志

卷二

四十

三台新民印刷公司代印

復龍橋 在縣南四里

拱北橋 在縣南三三十七里卽百子橋

印臺橋 在縣南螺螄山麓癩墓石下乾隆八年建修距馬躍崖一里

雙合橋 邑南七十里邑人李金蘭募修

湘江橋 邑南七十里邑人羅錦山捐修並撰有跋

仁壽橋 在雞公嶺先年諶姓倡修宣統辛亥溪水衝壞周樹森弟兄捐募重建爲七洞每洞長八尺餘廩生周不猷有碑序

仁和橋 在邑南五十里清舉人諶孝本有重修碑記

永安橋 舊名踏水橋民國時王姓捐募重建

臥龍橋 縣南九十里景福院順治元年建

迴龍橋 治南九十里乾隆丙午年重建

五鳳橋 在河嘴街中同治時建

會仙橋 在邑南交鄴江界距城一百二十里橋十有一洞同治八年培修

道中橋 邑南五十七里下南路入城大道

李家樓橋 邑南九十五里道光時重修舊有塘兵後移於景福院場

古渡橋 在縣西柳溪書崖上二里明成化間建田畔一碑惟神龍橋三字可辨長約六丈許純係頑石構成不見鑿痕下用板石豎立上架橋板皆無牙樁昔有木工因水漲放木觸石傾斜土人延工培修工皆蹙額苦難完舊不數日形勢復原亦奇事也

〔秦邦碩詩〕策杖喧溪亂壑邊仙人曾結渡人緣祇憑道士成羊術漫擬秦皇撼石鞭何代殘碑難辨認當年異事順流傳宵深懶去橋頭待

三台縣志

卷二

四十一 三台新民印刷公司代印

縱得奇書已暮年

朝真橋 縣西七十里龍潭上五里明正統間建橋頭有古碑惟朝真橋三字可辨

麻石橋 縣西三里其橋架九曲溪下流卽李青蓮濯筆溪也

上新橋 縣西六十里清道光三年建

龍潭橋 縣西七十里清同治間建

高橋 縣西八十里清光緒間建

王皇橋 縣西八十里清道光時建

轉龍橋 縣西五十里雪洞溝會連猴豐二廠運鹽通衢清康熙時創立石橋高丈餘橋下大圓石壁立不移人曰龍戲珠因以名之民國六年建廟宇樓閣於橋東

雲龍橋 距心妙寺數十武同治初年里人魏振學募建

龍橋 邑西七十五里光緒己丑鄉紳李華玖募建

迴龍橋 邑西距馬家觀里許有石碑中書新建迴龍橋右書蜀府捐俸

修橋府官司有傑左書萬曆四十六年八月吉日馬欽王氏_二大修立

仁壽橋 在邑西童家濠清乾隆五十三年建中江舉人戴汝先撰碑記

礮口石橋 在邑西距觀音場二十里

馬塘溪石橋 仁美橋均在邑西距觀音場里許

倪家橋 在邑西八十里建自雍正三年相傳明時倪觀察故里

歐陽橋 在邑西七十里民國十七年因修馬路改建

人和橋 在邑西七十里歲進士鄭一瑄住處

高壽橋 邑西六十里距建林驛二里許道光二十六年戴超然劉安朗

三台縣志

卷二

四十二

三台新民印刷公司代印

等募修同治六年戴豁然鄭維寅等復於橋近築堰可溉田數十畝

順成橋 距紅昕場六里下通凱江

萬年橋 在城西清乾隆四十九年建潼綿遊擊閔中張思紳有記

梨花橋 距城四十三里民國十六年戴慎齋捐修

乾涇橋 邑北七十里道光元年宋元瑞創建邑隱士宋蘭坡撰橋碑記

贊曰開渠洩水燥涇攸分虹腰長臥何須問津

妙高橋 在縣北八十里明嘉靖三十七年建

高龍橋 _{蓮溪上} 邑東北八十里咸豐四年建

接龍橋 縣北百里甘江填清嘉慶十九年創修光緒二十年重修更名

扶龍橋

平安橋 縣北殷家寨下兩河口上橋跨蘇家河清鄉貢士王開俊有碑

記

遇仙橋 縣北三十里靈峯寺下橋跨蘇家河相傳婆叟仙人流旃檀化迹於此清進士湖南黃岡縣知事雙梧叟王模有培遇仙橋記題曰萬民以濟

石堽拱橋 縣北劉家營下觀音崖上其橋跨鳳溪高拱如虹創於清嘉慶年間爲潼綿必由之道

王家橋 縣北涪城埧龍頭山下石橋三洞清雍正二年富紳王槐捐修咸豐時藍逆竄涪有三台貢生王成志子汝或汝嶷率團丁堵賊於此陣亡經川督駱文忠題奏旌其橋曰王家橋

天生橋 五龍菴山勢陡峻橫鎖涪江踰梅嶺百步外舊有石橋攷碑記建自清乾隆四年名天生橋以兩山並峙相距咫尺下臨數丈巉崖水

三台縣志

卷二

四十三

三台新民印刷公司代印

淙淙入涪江故名

復興橋 油房溝山高溝狹夏秋水漲阻碍行人清末有慈善某捐修石橋屢修屢圯民國九年邑紳唐兆書倡募續修基始固

鹿鳴橋 觀鹿山麓有小溪阻絕通衢道光十四年張世才捐修石橋鄉紳尹亮臣作七古詩勒石以紀其事

富藤橋 在邑北葫蘆溪建自清初同治戊辰夏大雨有竹木礙橋阻水激射橋遂毀次年縣丞劉君東侯與士紳等倡議請邑侯張公暨王公出印簿募資復修更名復興射洪舉人胡炳奎撰有碑記

福壽橋 道光十七年建民國六年里人劉石卿重建

豐林橋 道光七年建在綿陽交界處

大石橋 其石可長一丈三四尺厚有三尺爲省垣達北京之路

大興橋 乾隆時建渡衛江

七星橋 嘉慶初年建渡衛江

雙金橋 復善橋均同治初年建渡衛江

二仙橋 民國八年建渡衛江

利興橋 元至正辛卯年建渡衛江

通濟橋 卽霍家橋明弘治時建渡衛江

三台縣志

卷二

四十四

三台新民印刷公司代印